



**JUDICIAL SYSTEM MONITORING PROGRAMME**  
**PROGRAMA MONITORIZASAUN SISTEMA JUDISIAL**

*Komunikadu Imprensa*  
*10 Juñu 2013*

**Tribunál fó pena admoestasaun ba arguidu krime violénsia doméstika**

Iha loron 06 Juñu 2013 Tribunál Distritál Díli hala'o julgamentu ba kazu violénsia doméstika ne'ebé komete husi arguidu ho inisial AAPA hasoru lezada MI ne'ebé hanesan nia kónjuje. Kazu ne'e akontese iha 15 Novembru 2012 iha Bairo-Pite, Dili.

Ministériu Públiku akuza katak iha 15 Novembru 2012, oras tuku 9:00 kalan sama lezada nia karuk to hetan ran. Kazu ne'e akontese tanba arguidu hakarak ba nia kolega nia uma, maibé lezada bandu arguidu atu sai tanba kalan boot ona.

*"Tribunál sira kontinua hatudu sira nia komitmentu atu prioridade hodi julga kazu violénsia doméstika, maibé tenke asegura katak pena ne'ebé aplika ba arguidu refléta ho krime nia gravidade atu kumpri obrigasaun Estadu nian tuir lei haruka "* dehan Diretór Ezekutivu JSMP Luis de Oliveira Sampaio.

Ministériu Públiku akuza arguidu kontra artigu 145 Kódigo Penál kona-ba ofensas ba integridade fízika simples konjuja ho artigu 2, 3 no 35 alinea (b), Lei Kontra Violénsia Doméstika.

Iha julgamentu arguidu konfesa totalmente faktus ne'ebé konsta iha akuzasaun.

Iha alegasaun Ministériu Públiku husu ba tribunál atu kondena arguidu ho pena ne'ebé justu, tanba arguidu konfesa ninia hahalok, no lakohi repete tan, krimé ne'e iha futuru.

Defeza argumenta katak, arguidu primeira vez pratika krime hasoru lezada, iha ona konsiliaun iha familia, lezada mós depoimenta katak durante ne'e arguidu la repete ninia hahalok. Tanba ne'e, defeza husu fó pena ne'ebé justu.

Hare ba faktus ne'ebé provadu tribunál konklui no deside fó pena admoestasaun no selu kusta judisial \$ 10.

Kazu ne'e rejistu iha tribunál ho Númeru Prosesu: 116/2012/TDD. Julgamentu prezide husi Juis Dr. Antoninho Helder Ministériu Públiku representante husi Dr. Hipolito Santa no arguidu hetan defeza husi Dr. Manuel Amaral Defensór Estajiadu.

Atu hetan informasaun kle'an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl